

GESGAPEGIAG — 20 tes.—tli-sip maoi alasotmanges otjit pageoimgeoei; 70 gemnieoltitjig, alames mesgig elitasigsep moialtingeoei tan Nalsis Selom pegoatelg, api smageniseoitteg. Maoatasigsep solieoei otjit lnoôgtao Sesos agoamlamon mesgilg ag oasôgônemagana-tgol, lnoi patliaseoitgog tetli masg-oatasigsep pela \$75. glapis eomeg pemi nipga; etog tan tllisip pilei gt-jipatlias ali minoi sigentoetj etog negem pa sigentoatal. Paseg eta lög oelatagatitjig tanig telgig saliteoatagatitjig ag tet moialotjig.

MELSIGNATIG tetli maoi al-asotmaten ola tepgenoset 12 tes. pa-geoimgeoei.

SGENOOPOTITJG — sigôoig-os 10 tesogonitj—Me gato oeltasol-tieg gotjino apatjasis lnoi patlias. Mogoeg egsinogôoageninog megoaig eimotiega, oeli ignemoinameg Gtj-i-sagmaoa. Ag môgoetj lnim pogoe-log nemetj nigetj gesiga. Tjinemog elogotitjig taisegatitjig ag eimotit-jig opsegatitjig ag metj eimotitjig pögtji ponsitepenig metj menag ap-atji tagoig etli ponsititjig, lölnogoa-seg elga galantega tesitjig Noel Temnigeoitjig ag Oelliem Temnig-eoitjig na tôgoategig ogoisela. Tôgo totjio Lemi Oalt ag omagtamel eoi-tgatitjig; ag Oelliem Tatameoitjig eoitgaltitjig; Plansoe Toma Goln-epi leoitjig na tesonemigsitjig etli ponsititjiga. Na nogotj nigetj oetja-tegemg esgemalotjig otapatjitaneo sgenoopotitjiga gesg mo pageoime-ga. Nin Aitj.

OEOGMAG — galemeoimge-oei tepg. 1 tes.—Plansoe Gapo oe-tji apogoetôg listogotjg \$4 mesgig alames ag aptjetjg Pasamai Stipen Sillipai otalamesemel nepgag goel-tamoltimgeg esitpogoeg; patliasa gisi logôota tan oen tellogôot getoi npega ag oelimota patliasa teloemg etog mesnegeg oatjoi oagmaltimge-oeia. Na nozo mset oen oelega.

GTJIGANG onamagig — apig-natjitô 22 tes. Maltai Mattieo elg-itges listogotjg tapoagigel otalame-sem Sôsep Pernal oegôpegitg otepi-tema, teloisitag Melian, etli npegep-enag ola gis piämio nesipongeg, oe-tji gisgatjiag ola salite elitasigep gisi npegeg mitjoatjitjag 18 iteg ola tepgenoset Sôsep Pernal onitja-

na nige oegôpegitg teleiaoit.

OEGOPEGITG — Sigôgos 15 tes.—Sagmao Tjô Tjolian apogoe-tôg listogotjg nanagigel, mesgig a-lames otjit gisigoisgoôg Malian Tjôlian nepgag 12 tes. ola tepge-noset. Alasotmelseoanetj.

OEGOPEGITG NGOTEI — Si-gôgos 8 tes.—Gatlin Gôp apogoe-tôg listogotjg metlasagigel otjit ta-pogol otgotaltimgeoel alamesel otja ignemoatel Sôsep Loiô, tanag nep-gepenag 3 tes. oitjei tepgenoset, 89 tesiponatag. Maoi alasotmelseoane-tj.

GTAGAMGOG, lög mesgetasi-mg, oetjiag agnotemagan tan gagi-etag gotjinoag gtjipatliasag M. F. Power teloisisenag, soel oisgi npe-gag 6 tes. tepg. gtjigang onamagig tan eli npsititag otjit môgoe oeleigo-ag : 43 tetotjegag, etli gtjipatliase-oitag oetjategemg 1911. Naligitgo-nietjig tetli ginamasitag; tôgo lnoig-tog soel nanipongeg miaopogoeg te-tli ginamoetag. Eolitelmanetj, moi-oolanetj ag alasotmelseoanetj.

LISTOGOTJG — Toma Lapo-pôg nepgag nesogoniliteg maltjô, 59 tetotjegag. Mesgig alames elitasig-sep 27 tes otjit Malsenpiep Soase-nôg ignemasenel ogoistjitjel Santj-itjel metepenagiag eimelitel. Mesgig agnotemagan igag tan pilei gotjino gtjipatlias natji minoi sigentoeteo elmi nipga. Oen gtoapesit ag me-nag oatjoi ginamasioeg, pgôtji flasi-tj nangemio.

LNOMENIGOG epegoitg—sig. 20 tes.—Mesgig paglaioag ola o'an, getoegntieoimgeg negela mesgigeg otjoseneg na totjio tapositjig elba-totjig pögtesingig asogômsingig pögtapeg môgoa oetjiameeig misô-go oapg neotetjitag geltjisenag, ga-to gteg oetjioleg, elpatotj ola geltjit teloisit Raymond Peters Isag Piels ogoisa 11 tetotjeg. O me gato notj-inen patlias mesgega, na maoglosi-tag notnaoemga, golaman ôzo es-alogsitag tan totjio otgotalo'ja. No-go na sapônog npeteo na mset tan tesilitj mitjoatjitj atieoigtoatji ag elatji, nin sapônog Gisolgoietog el-iei; tjel na tôg notji ginamoet noto-atel. Me gato elpatotjag oelmetôg-ag espi ginamogsitag otjit na tan teli maltjeoetjoitja. Na tan to-tjio tôg geginamasitj oelago gisna